

光緒江西通志

江西通志卷九十三

經政略十

鼓鑄

唐劉晏以江嶺諸州任土所出輸京師不足供道路之  
直於是積之江淮易銅鉛薪炭廣鑄錢歲得十餘萬緡  
爲江淮鑄錢之始其後饒州置永平監歲鑄錢七千貫  
至於宋世未改謹案太平寰宇記以永平監屬南唐誤宋太平興國二年  
樊若水言江南舊用鐵錢於民非便今諸州銅錢尙六  
七十萬緡虔吉等州未有銅錢各發六七萬緡俾市金  
帛輕貨上供及博羅麥穀舊饒州永平監歲鑄錢六萬  
貫平江南增爲七萬貫而銅鉛錫常不給轉運使張齊  
賢訪求得南唐承旨丁釗能知饒信等州山谷產銅鉛

錫乃便宜調民采取天禧三年詔犯銅鑰石悉免極刑  
時銅錢有四監饒州曰永平池州曰永豐江州曰廣甯  
建州曰豐國南安軍舊有監後廢之景祐初許申議以  
藥化鐵與銅雜鑄鐵流澀多不就乃求爲江東轉運使  
欲用其法於江州朝廷從之詔卽江州鑄百萬緡卒無  
成功皇祐中饒池江建韶五州鑄錢百四十六萬緡治  
平中饒池江建韶儀六州鑄錢百七十萬緡熙寧時詔  
京西淮南兩浙江西荆湖五路各置鑄錢監江西湖南  
十五萬緡餘路十萬緡爲額仍申熟錢斤重之限崇寧  
元年戶部尙書吳居厚言江池饒建錢額不敷議減銅  
增鉛錫歲可省銅三十餘萬斤計增鑄錢十五萬九千  
餘緡詔可二年許天啟請鑄當十錢五月始令陝西及

江池饒建州以歲所鑄小平錢增料改鑄當五大銅錢以聖宋通寶爲文五年遂命以折五折十上供小平錢留本路江池饒建韶州錢監歲課以八分鑄小平錢二分鑄當十錢大觀二年令江池饒建州錢監自來歲以鑄當十五分鑄小平錢申嚴私鑄之法宣和以後乃令饒贛錢監鑄小平錢每緡用鐵三兩而倍損其銅稍損其鉛繼又令江池饒錢監盡以小平錢改鑄當二錢以紓用度紹興初併廣甯監於虔州併永豐監於饒州歲鑄纔及八萬緡以銅鐵鉛錫之人不及於舊而官吏稍廩工作之費視前日自若也每鑄錢一千率用本錢二千四百文紹興六年贛饒二監提點官趙伯瑜以爲得不償費罷鼓鑄二十七年復饒贛鑄錢監乾道六年併

鑄錢司歸發運司領四監江之廣甯興國之大冶臨江之豐裕撫之裕國尋復置司如初八年饒州贛州各差提點官以新鑄錢般雜提點鑄錢及永平監官左藏西庫官戶部工部長貳官責降有差九年大江之西及湖廣間多毀錢夾以沙泥重鑄號沙尾錢詔嚴禁之清熙二年併贛司歸饒州元世行鈔法未嘗鑄錢至大三年初行錢法旋即罷之明太祖初於應天置寶源局及平陳友諒命江西行省置貨泉局頒大中通寶錢大小五等錢卽位後頒洪武通寶錢令各行省設寶泉局洪武八年復用鈔法罷寶源寶泉局十年復設寶泉局二十五年又罷寶泉局時兩浙江西閩廣民重錢輕鈔以錢百六十文折鈔一貫錢法大壞至嘉靖閒省局停廢後

旋開旋罷白南北兩局外僅湖廣陝西四川雲南宜甯

二鎮尙事鼓鑄餘無聞焉

唐書食貨志元史食貨志

宋史食貨志明史食貨志

國朝江西省置寶昌局

詳案舊錢局在桂林訪今爲大忠祠

在德勝門侯家

塘石局設六鑪歲鑄二十四卯實解司庫錢三萬五千七百九十六千四百八十文遇閏加二卯增解錢二十九百八十三千四十文乾隆七年始以南昌府同知就遊管理採辦銅斤開鑪鼓鑄搭放兵餉及各官養廉五十九年京師錢賤酌籌調劑戶工二局暫停鼓鑄於是巡撫陳淮奏請停鑄嘉慶元年奉

旨有鼓鑄省分將嘉慶年號錢文照戶工二局頒發錢式銅六鉛四配搭試鑄復奏開鑪奉

上諭陳淮奏開鑪鼓鑄事宜據稱寶昌錢局開鑪伊始率同司

道赴局監視遵照部頒樣錢如式配鑄並將錢樣呈覽  
從前各省局鑄錢文局員等任聽舞弊偷減斤兩多攙  
鉛錫以致質地肥薄減小模糊今開鑪鼓鑄新錢自應  
按照部頒式樣配鑄方可肅清圖法節經降旨令該督  
撫等認真查辦茲據陳淮進呈所鑄新錢係屬進呈錢  
樣自尙合式但恐該局各卯鑄出錢文不能如進呈錢  
式一律圓整又有偷減輕小等弊該撫惟常督率所屬  
及局員等毋得始勤終怠並於每年十二月將所鑄新  
錢另封十文送軍機處以憑較驗道光四年福建以銀  
貴錢賤奏請停鑄至十七年江西錢價復賤巡撫裕泰  
奏停鑄奉

旨暫停鼓鑄兵餉等項將現存庫錢搭放完竣後一律全放銀

兩以平市價仍隨時察看情形俟錢價漸增再行奏請  
開鑄二十一年戶部以十一省停鑄幣本虛懸錢法漸  
弛奏請飭催開鑄時江西錢價有減無增仍議停鑄二  
十三年戶部再奏催開鑄巡撫吳文鎔乃議酌減開鑄  
並變通搭放成法奉

上諭江西寶昌局鼓鑄錢文據該撫奏稱錢價過賤若照舊開

鑄每年搭放必致入浮於出虛懸成本著照所請於原

設六鑪暫減三鑪按卯鼓鑄遇閏加增兩卯錢價漸平

即行照舊增鑄棉案 巡撫吳文鎔疏略曰伏查江西

七年奏請停鑄以來計已五載有餘現既經部奏請開

鑄變通搭放自應遵照辦理惟查江西寶昌局鼓鑄錢

文向設六鑪每年額鑄二十四卯共鑄錢四萬二千三

十八串一十六文內除扣給工料錢六千二百四十一

串五百三十六文外實解司庫錢三萬五千七百九十



庫錢一萬九千三百八十九串七	千八百九十八串二百四十八文	千一百二十串七百六十八文	千一百二十串七百六十八文	寶昌局原設六鑪暫減三鑪先開三鑪按即鼓鑄每年	減開鑄相應撥實奏懇	千四百餘串亦須搭放自應欽遵前奉	日多虛懸成本且司庫現尚存前鑄未放錢一萬三	應解存司庫錢三萬五千餘串則入浮於出必致日積	放錢一萬八千九百串今若以原設六鑪照舊開鑄每年	費難以一律搭放外約計每年食等項解銀領錢往返多	搭放錢文又各屬生支之役食等項解銀領錢往返多	工料運費等項於養廉內扣收者均應以銀扣還不能	兩內除應扣缺贖全半廉銀及應捐司庫墊用之剝船	搭放統計通省文職養廉共銀十七萬七千一百八	移加文職議於原搭一成之外酌加二釐以一成二釐	搭放至文職養廉比武職較優應即減二釐改為入釐	二千八十兩應照前次搭放成數酌減二釐改為入釐	一律暫免搭放其把總以上武職養廉每年共銀三萬	暨監道悉心籌議所有各營兵餉及額外委未弁應	據當此整頓營伍之際自須量予體卹臣與藩臬兩司	在案現在錢價過賤若仍照舊搭放餉銀兵情未免拮	部覆兵餉及文武各官養廉均以一成搭放應經遵辦	八千七百七十九串五百二十文前於嘉慶九年咨准
---------------	---------------	--------------	--------------	-----------------------	-----------	-----------------	----------------------	-----------------------	------------------------	------------------------	-----------------------	-----------------------	-----------------------	----------------------	-----------------------	-----------------------	-----------------------	-----------------------	----------------------	-----------------------	-----------------------	-----------------------	-----------------------

庶俾一年所鑄之錢均入一年所放之款而前存錢文亦得一併陸續搭放不致久懸且仍隨時察看情形如果錢價得漸平復即行奏請照舊增鑄搭放以期國法流通至開鑄事宜均仍循照舊章辦理

咸豐四年奉

旨推行官票鼓鑄大錢設官錢總局分別搭放變通寶昌局鼓鑄銅鉛成數加銅減鉛以崇體制旋以奸商射利私鑄病民復於十年停用大錢先是六年中戶部議停銀票巡撫沈葆楨奏以江省司道關庫撥解京餉循舊起運實銀不搭銀票司庫收支各款仍與按成搭放官錢總局撤歸司庫至同治七年巡撫劉坤一始奏收官票籌支給戶部議奏以收集官票全數就近焚銷

稿案

經政略十一

陶政

新平治陶相傳始於漢世陳至德元年大建宮殿於建

康詔新平以陶礎貢巧而弗堅再製不堪用乃止唐武

德四年謝志作陶玉獻假玉器謝志作里人陶玉縣志

知其由是置務霍仲初最知名宋景德中置鎮始遣官

製瓷貢京師應宮府之需命陶工書建年景德於器元

泰定本路總管監陶皆有命則供否則止元蒲祈陶記

陶昔三百餘座與壺之器潔白不疵故鬻於他所皆有

饒玉之稱其視真定紅或龍泉青祕相競奇矣窯之長

短率有數數官籍丈尺以第其稅而火堂火棧火尾火

眼之屬則不入於籍陶咄食土不受藝傭婦賃窯主以

相附合謂之製土坯既匣珠而別之審厥窯位以詳布

置謂之碎窯與饒之際接籍納金窯牌火厯迭相出入

謂之報火一日二夜窯火既歇商爭取售而上者擇焉

謂之揀窯交易之際牙儉主之同與差互官則有考謂

之店簿運器人河肩夫執券次第件具以憑商算謂之

井子其窯之網紀大略有如此者若夫澗之東西器尚

黃黑出於湖田之窯者也湖川廣器尚青白出於鎮之

窯者也盤之類魚水高足碟之發量海眼雪花此川廣

荆湘之所利盤之馬觀檳榔孟之蓮花要角盤碟之繡  
花銀繡蒲脣弄弦之類此江浙福建之所利必地有擇  
焉者鑪之別曰猊曰鼎曰彝曰鬲曰朝天曰象腿曰香  
奩曰桶子瓶之別曰獸曰觚曰膽曰壺曰淨曰甌子曰荷葉  
曰葫蘆曰律管曰歌環曰琉璃與夫空頭細名考之不  
一而足惟販之所需耳兩淮所宜大率江廣閩浙滄澤  
之餘土人貨之者謂之黃掉黃掉云者以其色澤不美  
而在可棄之域也所謂器之品數大略有如此者至若  
冬泥凍臚不可以燒坯陶既就復不易操則有火房火  
事將畢器不可度探坯窯眼以驗生熟則有火照進坑  
石泥製之精巧湖坑嶺背界田之所產已爲次矣比王  
坑高砂馬峯山瓷石堂厥土赤石僅可爲匣橫工而雜  
之以成器則皆敗惡不良無取焉攸山山樣灰之製釉  
者取之而製之法則石堂煉灰雜以樣葉木柿火而  
煨之必劑以嶺背釉泥而後可用或覆仰燒焉陶工匣  
工土工之有其局利坯車坯釉坯之有其法印花書花  
雕花之有三色冒之者罪凡利於官者一涉欺瞞則牙商  
刑紳有例坐罪其周防可謂密矣夫何昔之課賦優裕  
擔夫一例坐罪此者常懷不足之慮也憲之頭子泉之率  
而今之事於此者常懷不足之慮也憲之頭子泉之率  
分統制之供給經總之移用州之月椿支使醋息鎮之  
吏俸孤遺作匠總計月錢凡三千餘緡而春秋軍旅聖  
節郊祀賞資試闈結葺猶不與此通融計之月需百十  
五緡則權官可以追責反是則譴至矣予觀數十年來

官斯土者無不有州家挂穴之籍蓋嘗推求其故則有  
由矣窯家作輟與時年豐凶相爲表裏一也臨川建陽  
南豐他產有所奪二也上司限期稍不如約則牙校踵  
門以相蠹蝕三也獄失其校權官散分邇來猾商狡僧  
無所憚怖四也土居之吏半植不拔殆有漢人倉庫以  
之風五也官之惜者吏掣其肘一有強明自任則吏結  
豪駟之民詭辭上官必使懲之更而後已官不少察事  
勢輕矣此重可爲太息者也嘗記容齋隨筆載昔之守  
令不市陶器父老所傳僅二人焉嗚呼何遼絕邪容齋  
所記可以盡信否邪何今未有繼也又聞鎮之巨商今  
不如意者十八九官之利羨乃有倍蓰之病時邪山川  
脈絡不能靜於焚燬之餘而土風日以蕩邪一里窯五  
里焦之諺語其鑿鑿矣或者謂博易之務廢矣窯巡之  
職罷矣今之不可復古矣然河濱之陶昔人爲盛德所  
感故器不苦窳庸詎知今日董陶之器明洪武三十五  
年始燒造歲解宣德中以營繕所丞專督工匠正統初  
罷天順丁丑仍委中官燒造正德初置御器廠專筦御  
器嘉靖九年革中官以饒州府佐管理四十四年設通  
判駐廠燒造尋罷隆慶六年復於各府選員管理萬曆

十年以饒州府督捕通判駐鎮兼理燒造

江西大志謝志引大志

縣志

謹案謝志於御器廠為明洪武中置復引大志

正德

初置廠於除中官屬嘉靖改元復據縣志為九年

裁革

前後矛盾今攷定改正明郭子章傳章大事記

景泰

五年五月減饒州歲造瓷器三分之一成化二十

年

九月裁饒州燒造官嘉靖十一年春二月乙巳建饒

州

知府祁牧下獄以稽大祀祭器也尋降邊方難職十

七年

春正月壬午謫江西巡按御史陳衷為韶州府推

官

以燒造磁器違限也三十四年己丑下饒州府同知

造從

光祿卿孫禴奏也三十四年己丑下饒州府同知

楊錫

文通判陳煉於撫臣逮問以磁器不堪也萬曆十

年

秋七月詔饒州造陶器計九萬六千六百餘件二十

九年

冬十二月逮饒州府通判陳奇可署浮梁甌使潘

相

至景德鎮鎮民誣潘疏奇可不護上怒逮奇可養器

以

宜窑為佳蓋宣德間器也中有窑變者極佳非人力

所

可致故人亦多毀之不令傳萬曆十五年開詔景

德

鎮燒方筋屏風不成變而為牀長六尺高一尺可臥

又

變為船一隻長三尺舟中什物無一不具問主者藏

其

船至饒州郡縣官皆見之後乃椎碎不敢以進也

國朝順治初仍明制十一年奉

旨燒造龍缸欄板等件未成巡撫張朝璘疏請停止康熙十年

部行巡撫委府縣官監造祭器十九年九月奉

旨燒造御器令廣儲司郎中徐廷弼主事李延禧工部虞衡司

郎中臧應選筆帖式車爾德於二十年二月駐廠督造

製成之器估值進呈工匠物料動支錢糧按項給發運

費不累地方官民稱便陶器則有缸盆盂盤尊罍瓶罐

碟碗鍾盞之類而飾以夔雲鳥獸魚水花草或描或錐

或暗花或玲瓏諸巧具備陶夫有廠夫砂土夫上工夫

廠官廩餼陶夫工食編派饒屬七縣解徵奉造照徵停

造免編謝志 饒州府志 浮梁縣志 謹案

御器廠中爲堂後爲軒爲寢寢後高阜爲亭堂之旁爲東西

序東南有門堂之左爲官署堂之前爲儀門爲鼓樓爲

東西大庫房爲作二十三曰大碗作酒鍾作碟作盤作

鍾作印作錐龍作畫作寫字作色作匣作泥水作大木  
作小木作船木作鐵作竹作漆作索作桶作染作東碓  
作西碓作爲督工亭爲獄房廠之西爲公館東爲九江  
道爲窑六曰風火窑色窑大小爐熿窑大龍缸窑匣窑  
青窑廠內神祠三廠外神祠一焚井二爲廠二曰船柴  
廠水柴廠房二曰放柴房燒窑人役歇房自咸豐五年  
粵賊陷鎮廠遭焚燬同治五年署監督蔡錦青就舊址  
重建堂舍七十二間外爲儀門左右室各一中爲堂後  
堂置左右室各二旁爲廳事三楹內外櫛房五東前後  
圓器房各六又東青花房七西彩畫房三玉竹房一選  
瓷房二瓷庫一琢器房三雕削房五又西青花房六吹  
釉房三均釉乳釉房一鑪房三庖廚二洋彩吹紅澆黃



房七

謝志  
檔案

卷之三 廟政

明季料價初由布政司公帑支給嘉靖二十五年燒造  
數倍什百加派閩省隨糧帶徵銀十二萬兩三十三年  
又加派二萬兩後復借支公私苦匱鬻罪加賦因之以  
起隆慶萬厯中徐棻王敬民常疏爭之明都御史徐棻  
太監崔敏題為缺少上用各樣瓷器單開要燒造裏外  
鮮紅盤鍾甌并大小龍缸方盒各頂共十萬五千七百  
七十桌箇對其龍缸降發體式底闊用凸多致隆裂五  
彩缸樣重過火色多係驚碎三層方匣等器式樣巧異  
一時難造且頭運瓷器一萬五千五百箇對限本年  
九月二運一萬七千五百箇把限明年二月其份入運  
限一萬四千五百箇作坯房傾壞日久新經修完又兼物料  
年解進但今審作坯房傾壞日久新經修完又兼物料  
細膩式樣精巧難以措辦見遭洪水為患土料疏散成  
坯甚難冬月水冰上凍尤難造作況係火中取物必須  
假以時日多作坯胎入窰百中選一呈乞轉達查例將  
鮮紅改作礬紅欽限龍缸方匣減數一二運并八運寬  
限以甦民困續該工料都給事中龍光等題稱江西物  
力瘠薄災荒頻仍先經奉詔停止燒造工匠多遭別業

茲忽傳燒造瓷器十萬五千七百有零較先年之數幾  
增一倍且規制花樣精細恐措辦不前乞敕該監擇緊  
要者移文燒造其餘可減者量裁十之三仍乞寬假  
分運解進今年九月起解一運限十月以東隨又巡按劉思問  
議照前項瓷器係供上用今既缺乏見奉欽依速解臣  
等遵依屢督所司及明燒造臣何敢復言但該司道  
官會呈及地方工匠人等鳴告臣爲之反製而各屬  
有據蓋物料細膩色樣精巧者一時果難揀辦而水火  
勾化卒難取必須假以時日多作坯胎燒煉精選百中  
二三共事理固然況該府自兵燹之後閭里蕭條今歲  
突被水災人民困苦流移載道是災傷之苦似無妨於  
營作之興而營作之勞實必資於民力之裕乃民遭時  
艱畎畝陸沈顆粒罔措俯仰無資大小工匠約有五百  
奔走力役之人不下千計日費百斛皆當區處供給且  
水溢則土易疏土易疏則圯易散於物理尤不容強臣  
目擊艱苦又期限嚴迫懼致後時夙夜疚心烏敢不吐  
瀝於君父之前伏望軫念工力孔艱民隱當恤敕部詳  
議將鮮紅瓷器查照前例改造紫紅龍缸方匣等項量  
減數目并頭運二運續奉欽限運數稍爲寬限以後入  
運酌分開年一運或二年一運以紓造作之苦轉運之  
勞斯我皇上於供用之中萬摺節之意自足以寬養民  
力江西一路莫不欣欣鼓舞聖德於無涯而地方亦  
有攸賴矣工科都給事中王敬民等疏竊惟器惟取

其足用不必於過多也亦惟取其適用不必於過巧也  
今據該監所開如施磔鍾盞之類皆上用之所必需而  
祭器若簋豆盤壺等項尤有不可缺者是豈容以不造  
邪但中則如圍棋別棋碁盤碁碁皆無益之器也而屏  
風筆管珩璫罐盒鑑亦不急之物也且各樣盒至二萬副  
各樣瓶至四千副各樣罐至五千副而總之至九萬六  
千有奇不幾於過多乎況龍鳳花草各肖其形容而五  
彩玲瓏務極其華麗又不幾於過巧乎此誠草茅之臣  
所爲駭目而驚心者也我皇上蓋亦洞見其用之不急  
數之太多故於燭臺碁盤屏風筆管之數而令其減半  
造之臣等於此有以仰窺克儉之盛心而恭頌至仁之  
聖德矣顧犬馬之微忱猶有所覲於聖明而不容已焉  
昔舜造漆器諫者七人禹雕其俎諫者不止我皇上之  
心是卽舜禹之心也而燒造數多所費無算是不止漆  
器雕俎之微也獨不急之役省無益之費裁過多之數  
禁淫巧之工我皇上得無加之意乎矧方今寰宇荒歉  
頻仍而江西地方尤瘠一朝廷以九萬有奇之器用  
而取辦於一方其勞費豈細故哉伏乞愈核儉德益廣  
仁恩酌其緩急概從省約而於碁盤等物尤盡數裁減  
臣見省一分則民受一分之賜惠一方則四方民舉安  
抑且慎德之光轉圜之美直當萬厯中奄人潘相用事  
足以後史冊而垂裕萬世矣

燒造龍缸累不完工民受鞭箠或苦饑羸陶人童賔至

以身赴火罹其凶毒

國朝唐英龍缸記青龍缸邑志

者益力火神童公憫同役之苦激而舍生乃成事詳神  
小傳此則成後落選之損器也棄置僧寺牆隅余見之  
遺兩與夫昇至神祠堂西飾高臺與碑亭對峙以薦之  
或者疑焉以爲先生好古之邪不完矣惜物邪無用矣於  
意何居余曰否否夫古之人之有心者之於物也凡間  
見所及必考其時代完其款式追論其製造之原委務  
與史傳相合而一切荒唐影響之說不得而附和之或  
以人貴或以事傳或以良工見重每不一攸要不敢妄  
昵云爾故子胥之劍陳之廟堂揚雄之匱置之墓口甄  
邯之威斗殉之壽藏蓋其人生所服習之死所裁汰雖  
久殘缺而靈所憑依將是在是矣況此器之成法雖  
膏血也團結者神骨肉也清白奉禦者神之精忱猛氣也  
其人則神其事則勘其工則往古奉御之所遺留而可  
不加之寶重乎由志所云萬歷己亥刊今雍正庚戌相  
去凡一百三十二年其不論於民礫者必有物焉實何  
護之令非有也神或召之耳故記之缸徑三尺高三  
二尺強環以青龍四下作湖水紋牆  
口俱全底脫雍正庚戌歲月日記

國家深仁厚澤遠邁前代飯留歌鋤恭儉有制舊定密廠

歲用淮安板開銀八千兩後改歸九江關監督工匠役

夫三百餘人工食泥土給值採買不以病民冠婚醫藥

均予賞卹蓋良法美意自古及今罕有倫比矣唐英陶務敘略

事有至微且末而儲為國用利於民生者陶之為器是

也上陳俎豆之列下供飲食之需由來非一日矣稽其

制始乎漢而傳於歷代異其地而盛於昌南自前明設

廠珠山之麓命官督造旋至奉行不善費國帑茶工匠

役於是者幾不聊生孰謂陶為細務而董其事者可不

審慎乎哉英關東之瀋陽人也世受國恩從

龍日下隸籍內務府幼即供役於養心殿二十餘載

我置郎署方恐報稱無由適復於雍正二年秋八月怡賢

親王口宣天語命英督監江西密務且有工匠

疾苦宜恤商戶交易宜平之英祇承出都於本年十月

言何其恩之周而慮之深也英祇承出都於本年十月  
問抵廠一應工匠商戶造辦交易之事靡不仰遵  
聖諭場概戰兢凡出納毫釐器皿數目俱係造冊報  
銷於內務府總管處按月核算迄今乙卯七載於茲矣  
雖勉竭駑駘不敢苟忽然才識鄙淺外誤實多荷蒙  
聖慈不加罪斥且歲恩功難抵罪自揣微陋小  
舉家佩德飽  
臣平生過分俸事實為未有因念陶固細務自一身以  
及工役皆邀皇上周卹敢不具述始末以宣揚

德意且汗尊土益國家之險德攸關則陶器  
為世所必需而製造亦為後所難免得其道則事半功  
倍失其道則公廢人勞苟茫無稽於後何如略志述於  
今英雖不敢謂陶之微與確信深知熟既習且久其於  
製造之器且條目款袖尺寸工匠錢糧暨夫賞勤勸惰  
之大略不無一得之思爰舉而條列於後錫石珠山之  
陽俾後之繼英董理者知所考稽審慎其體我  
皇上恤民勸工之至意庶無廢費擾眾之弊用述梗概  
以自志感惕并示後之君子倘所謂  
耕問僕織問婢者其或不失此意乎

舊定燒造方圓琢器色目

謹案審廠燒造瓶罍尊

器數眾多不能殫述今據謝志

鐵骨大觀釉

有月白粉青大綠等三種

鐵骨哥釉

有米色粉青二種俱

銅骨無紋汝釉

仿宋器貓食盆

銅骨魚子紋汝釉

仿宋器色澤

白定釉

止仿粉定一種

均釉

仿肝馬肺五種內發舊器改瑰紫海棠紅茄花紫梅子青

仿宣密霽紅

有鮮紅二種

宣密霽青

色澤濃紅有橘皮樣眼

仿廠官釉

有鱗魚黃蛇皮綠黃斑點三種

龍泉釉

有淺深二種

東青釉

有淺深二種

仿米色宋釉

係從景德鎮東二十里外地名湘湖有故宋密址覓得瓦礫出仿其色澤款式

粉青色宋釉

其款式色澤同米色宋釉一時覓得

仿油綠釉

係內發密變舊器如碧玉光彩中斑駁占雅

鑑均釉

色在廣東密與宜興掛釉之開而花紋流洶變化過之

歐釉

仿舊歐姓密有紅藍紋二種

青點釉

仿密舊器色澤內發廣

月白釉

色微類大觀釉白泥胎無紋有淺深二種

仿宣窑寶燒

有三魚三果三芝五福四種

仿龍泉釉寶燒

三果三芝五福四種國朝新製有三魚

翡翠釉

仿內發素翠青點金點三種

吹紅釉

吹青釉

仿永樂窑脫胎素白錐拱等器皿

仿萬厯正德窑五彩器皿

仿成化窑五彩器皿

宣花黃地章器皿

法青釉

係新試配之釉較霽青微紅深翠無橘皮梭眼

仿西洋雕鏤像生器皿

五拱盤碟瓶盒等項盡之造染亦仿西洋筆意



仿澆黃錐綠花器皿

仿澆黃器皿 有素地錐花二種

仿澆紫器皿 有素地錐花二種

錐花器皿 各種釉俱有

堆花器皿 各種釉俱有

抹紅器皿 仿舊

彩紅器皿 仿舊

西洋黃色器皿

西洋紫色器皿

抹銀器皿

彩水墨器皿

仿宣密填白器皿 有厚薄大小不等

仿嘉密青花

仿成化密淡描青花

米色釉

與宋米色釉不同有淺深二種

釉裏紅器皿

有通用紅能繪畫者有青葉紅花者

仿紫金釉

有紅黃二種

澆黃五彩器皿

此種係新試所得

仿澆綠器皿

有素地鏤花二種

洋彩器皿

拱花器皿

各種釉水俱有

西洋紅色器皿

仿烏金釉

黑地白花黑地描金二種

西洋綠色器皿

西洋烏金器皿

抹金器皿

仿東洋

描金器皿

仿東洋

描銀器皿

仿東洋

廠官釉大缸

口面徑三尺四寸至四尺高一尺七八寸至二尺釉色有鱗魚黃瓜皮綠黃綠點

三種

大運琢器

謹案以下琢器匪器名數據同治三年檔案編入

均釉四方杏元雙琯瓶

哥釉四方杏元雙琯瓶

哥釉四方八卦瓶

霽紅玉壺春瓶

青花起綫玉壺春瓶

青花欄杆玉壺春瓶

花廠官釉太極紙撚瓶

天青四方太平有象瓶

大運圓器

紫龍中盃

霽紅中盃

青西蓮大盃

青西蓮五寸盤

青雲鶴八卦中盃

五彩水仙花酒盅

彩紅龍撇口酒盅

青雙龍滿尺盤

卷之三 陶政  
十二  
嬌深黃暗龍湯盤

嬌黃暗龍墩式中盤

嬌黃茶盅

嬌黃暗龍中盤

青花三果班子中盤

嬌黃暗龍撇口湯盤

青雙龍六寸盤

青花蠶紋壽字滿尺盤

青木樨花茶盤

五彩寶蓮中盤

彩紅地白竹茶盤

青三友人物六寸盤

青雙龍茶盤

彩暗水綠龍六寸盤

青夔鳳滿尺盤

藍地彩黃雲龍九寸盤

填白釉寶燒紅團鳳中盤

藍地彩黃雲龍茶盤

霽紅六寸盤

霽青中盤

霽紅七寸盤

紫金釉墩式湯盤

冬青釉紅團鳳中盤

五彩蠶紋如意七寸盤

五彩鴛鴦荷花茶盅

霽青茶盃

彩八寶茶盃

彩紅海水青花八仙大盃

內青花外彩荷花中盃

八吉祥盃

綠花桃黃瓷盃

紫綠龍嬌黃五寸盤

紫綠龍嬌黃三寸碟

四號嬌黃湯盃

雲鳳五寸盤

五彩龍鳳串花中盃

紫綠龍嬌黃四寸碟

彩八吉祥串花九寸盤

彩夔鳳串花大盤

陶土本廠燒造瓷器舊用浮梁縣新正都麻倉等處白土每百觔價銀七分萬厯十一年管廠同知張化美見麻倉老坑土膏已竭掘挖甚難每百觔加銀三分近用該縣地名吳門託新土有糖點者尤佳但離鎮百六十餘里價仍照給一錢造龍缸參用餘干婺源土及石末坯屑相兼勻和取其泥質堅勁以便成造釉土出桃樹陽青花白器通用之白器釉稍加煉灰匣用砂土黃土相兼砂土募夫挑擔每百觔給工食銀二分黃土係本廠原額上工夫內量數撥用

謹案饒州府志陶土出新正都麻倉山曰千坑曰



龍坑陶曰高路陂曰低路陂四處爲上又餘干婺源皆出湖田一二園出釉石卽釉土又新正都長嶺出青黃釉義坑出燒白器釉二處爲上有柏葉斑他如石牛山李家鵝有黑縫者不堪又吳門託新土有糖點者亦佳土皆民業每土一擔所費不過數分而掘洞穿穴傷費不少

回青陶用回青本外國貢也陂塘青產於本府樂平石子青產於瑞州諸處回青行石子遂廢至於敲青首用鎚碎內硃砂斑者爲上青有銀星者爲中青每觔可得青三兩敲青後取其奇零瑣碎碾碎入注水中用瓷石引雜石眞青澄定每觔可得五六錢畫青每日晨午二次集工役分青染漬驗青法回青瀉則色散而不收石青加多則色沈而不亮每兩加石青一錢謂之上青四六分謂之中青中青用以設色則筆路分明上青用以混水則顏色清亮眞青混在坯上如灰色然石青多則

一黑眞青澄底匠憤不得匿則堆畫堆混則器亮而不青如微墨色知縣朱賢議除回青之弊每於打青之際三人各付一觔下令有能多出一錢者賞銀若干當官揀揀外又行研淘隨令三人各淘計各若干較三人之常取多寡之中而爲之劑量以登其數則揀淘之人雖欲爲奸不可得矣若夫畫青之際照依估約之數隨其器之大小給以青之多寡令其繪畫擇純朴者二人一以繪大一以繪小嚴爲之防明爲之察畫完本器有無同異如是而三試之則畫工之真僞顏色之濃淡有不知者否也卽將畫成之器附密帶燒爲樣器分畫工以繪器也視此以爲顏料多寡責畫工以成器也視此以驗顏色濃淡如此程能如此課工則雖不必人爲之防官

爲之稽而欲顏色之淺淡不可得矣

官窑五十八座除缸窑三十餘座燒魚缸外內有青窑係燒小器有色窑造顏色制貝而狹每座止容燒小器三百餘件用柴八九十損民間青窑約二十餘座制長闊大每座容燒小器千餘件用柴八九十損多者不過百損官民二窑槩柴一之地器倍之民窑燒器自入窑門始九行前一行皆粗器障火三行閒有好器雜火中間前四中五後四皆好器後三後二皆粗器視前行官窑燒造者重器一色前以空匣障火官窑之器純民窑之器雜制絲異也官窑砌欲固塗欲密使火氣全而陶器易熟不至鬆泄其爨料多寡亦視民窑廣狹差等耳官窑業已不同官作趨辦塞責私家竭作保傭成毀之

勢異也窰座前寬六尺後如前饒五寸入身六尺頂圓  
魚缸大樣二樣者止燒一口資缸三樣者一窰結砌二  
臺則燒二口溜火七日夜溜火小火也如水滴溜小小  
起火使水氣漸乾漸熟然後起緊火二日夜見缸匣既  
紅而復白色前後皆明亮方可止火封門又十日窰冷  
方開每窰約用柴百二十損遇陰雨或加十損龍缸大  
窰係三十二座近因青窰數少龍缸空閒將龍缸大  
窰改砌青窰十六座仍存龍缸大窰十六座以備燒造  
龍缸之用青窰比缸窰略小前寬五尺後五尺五寸入  
身四尺五寸每座燒盤碟中樣器止燒二百多件稍大  
者一百五十六件大盃二十四件尺盃三十件大罈止  
燒十六七件小酒盃五六百件溜火對日緊火一日夜

其看火色亦如龍缸窰法火住封門則去頂故窰易冷  
首尾五日可出器每窰用柴六十損若係大盃大罈拜  
磚等大器須量加柴十損或遇久雨窰溼又宜加十損  
秋陽烈日六十損裕如矣匣窰大小不一所費柴火與  
青窰相等每窰除龍缸大匣外其餘大小匣可燒七八  
十件用柴五十五損各燒成匣有一用卽損者有再用  
方壞者參差不一惟龍缸匣則匣既大而用柴亦多每  
窰燒缸匣六層大樣二樣或蓋或圈皆燒香一炷旁以  
小匣培之三樣缸匣小則燒二炷培亦如之須用柴六  
十損溜火三日夜緊火一日一夜住火三口方可出窰  
大都窰乾坯乾柴乾則少拆裂沈暗之患土細料細功  
夫精細則無粗糙污滓之虞又必火候均勻無太過不

及且釉行光瑩器自完美釉土不特宜真亦宜春淘精

熟此燒造之大端也

羅案龍缸大窑乾隆中已比今無存者

工匠各作工匠技藝精熟燒造易成六作之中惟風火窑匠最爲勞苦方其溜火一日之前固未甚勞第二日緊火之後晝夜省視不可停歇或倦睡失於添柴或神昏誤觀火色則器有苦窳拆裂陰黃之患蓋造坯彩畫始條理之事也入窑火候終條理之事也火弱則窳火猛則僨今每窑作頭僅四人燒火一人人力既少精神有限欲其無僨誤也難矣合用看火作頭四五名燒火匠二名每夜廠官親臨窑邊巡督編立更夫并民快各五名分定更籌遞相巡警以察勤惰至開窑時器皿完美厚賞旌勞倘有不堪量其輕重懲戒他如工匠損擡

大器坯胎須令謹慎若加怒責則畏懼相欺雖知撞搥亦蒙蔽不言故自洗補至入窰必看坯胎堪否然後蓋匣封固起火燒造如繪畫中小器亦須細看上下四週有無疵繆必體質完美方可入窰不然則徒費罔功矣

唐英陶事圖說二十則

一惟陶利用範土作胎其土須採石煉製石產江南徽郡祁門縣距密麻二百里山名坪里谷口二處皆產白石開窖採取剖有黑花如鹿角菜形土人藉溪流設輪作離春細淘淨製如磚式名為白不黏之土其土係別有高山嶺王紅箭灘數種各就產地為名皆出江西饒州府屬各境採製法同白不止可供攪合製造之用於粗厚器皿為宜幅中為開採為春礱為番煉採石製泥之法不越於是云

二造瓷首需泥土淘煉尤在精純土星石子定帶瑕疵土雜泥鬆必至拆裂淘煉之法多以水缸浸泥木甕翻攪標起渣沈過以馬尾細羅再澄雙層稍袋始分注過泥匣鉢俾水滲漿稠用無底木匣下鋪新磚數層內以

細布大單將稠漿傾入緊包磚壓吸水水滲成泥移上  
大石片上用鐵揪翻撲結實以便製器凡各種坯胎不  
外此泥惟分類按方

加配材料以別其用  
三陶製各器惟釉是需而一切釉水無灰不成其釉灰  
出樂平縣在景德鎮南百四十里以青白石與厚尼草  
迭壘燒煉用水淘細即成釉灰配以白不知泥與釉灰  
調和成漿稀稠相等各按瓷之種類以成方加減盛之  
缸內用曲木橫貫鐵鍋之耳以爲舀注之具其名曰盆  
如泥十盆灰一盆爲上品瓷器之釉泥七八而灰二三  
爲中品之釉若泥灰平對

或灰多於泥則成粗釉

四瓷坯人窑最宜潔淨一沾泥渣便成斑駁且窑風火  
氣冲突易於傷坯此坯胎之所必用匣鉢套裝也匣鉢  
之泥土產於景德鎮之東北里瀆鄉有黑紅白三色之  
異另有寶石山出黑黃沙一種配合成泥取其入火燒  
煉造法用輪車與拉坯之車相似泥不用過細俟匣坯  
微乾略鑱入窑空燒一次方堪應用名曰篋匣而造匣

鉢之匠亦常用粗泥拉造砂盤爲

本地鄉鄰坯房人匠等家常之用  
五同器之造每一式款動經千百不有模範式款斷難  
畫一其樣子必須與原樣相似但尺寸不能計算放大  
則成器必較原樣收小蓋生坯泥鬆性滑一經窑火鬆  
者緊浮者實一尺之坯止得七八寸之器其抽縮之理



然也欲求生坯之準必先模子是修故模匠不日造而  
日修凡一器之模非修數次其尺寸款式款燒出時定不  
能胎合此行工匠務熟諳審火泥性方能計算加  
減以成模範景德一鎮羣推名手不過三兩人  
六同器之製不一其方辦校角者則有鑲雕印削之作  
而洋圓之器又用輪車拉坯就器之大小分爲二作其  
大者拉造一人至二三尺之盤盤鍾磑等小者拉造一  
尺以內之盤盤鍾磑等車如木盤下設機局俾旋轉無  
滯則所拉之坯方免厚薄偏側故用木匠隨時修治另  
有泥匠搏泥攪結置於車盤拉坯者坐於車架以竹杖  
撥車使之輪轉雙手按泥隨手法之屈伸  
收放以定圓器款式其大小不失毫黍  
七瓶壺樽彝各琢器其渾圓者亦如造圓器之法用  
輪車拉坯俟其曬乾仍就輪車刀鑲定樣之後以人羊  
毛筆蘸水洗磨俾光滑潔淨然後吹釉入窰卽成白器  
如於坯上畫料罩袖卽爲青花其鑲方稜角之坯則用  
布包泥以平板拍練成片裁成塊段卽用木泥調糊黏  
合另有印坯一種係從模中印出製法亦如鑲方壺印  
二種洗補磨擦與圓琢器無異凡此坯胎有應  
鑲掛雕鏤者俟乾透定稿以付專門工匠爲之  
雖掛雕鏤無分圓琢其青花者有宣成嘉萬之別悉借青  
料爲繪畫之需而霽青大袖亦賴青料配合料出浙江  
紹興金華兩郡所屬諸山採者赴山窰取於溪流洗去  
浮土其色黑黃大而圓者爲頂選統名爲頂圓子俱以

產地分別名目販者攜至燒資之所埋入密地煨煉三  
 日取出淘洗始售賣備用其江西廣東諸山間有產者  
 色澤淡薄不耐煨煉  
 止可畫染市賣細器  
 九青料煉出後尤須揀選有料戶一行專司其事料之  
 黑綠潤澤光色俱全者乃為上選於仿古霽青青花細  
 資用之色雖黑綠而鮮潤澤者為市賣粗資之用至光  
 色全無者性薄煉枯悉應選棄至用料之法畫於生瓦  
 罩以釉水過密煨出俱成青翠若不罩釉仍是黑色如  
 密火稍過則所畫青花多致散漫惟青料中有並菜邊  
 一種獨為清楚入密  
 不改故細描必用之  
 十大小器拉成水坯俟其潮乾用修就模子套坯其  
 上以手拍按務使泥坯周正勻結始襖下陰乾以備  
 削其渥坯不宜日曬曬即拆裂至畫資所需之料研乳  
 宜細粗則起刺不鮮每料十兩為一鉢專工乳研月  
 之後始堪應用乳用研鉢貼於矮凳頭裝有直木上  
 橫一板錢孔以裝乳槌之柄人坐於凳握槌乳之工價  
 每月三錢亦有兩手乳兩鉢夜至二鼓  
 者工值倍之老幼殘疾多藉此資生焉  
 十一青花繪於圖器一號動累百千若非畫款相同必  
 致參差互異故畫者止學畫而不學染染者止學染而  
 不學畫所以一其手而不分其餘拱錐雕鏤業似同而  
 處一室以成其畫一之功其餘拱錐雕鏤業似同而

習一家釉紅寶燒技實異而類近於畫至如器上之邊綫青釉原出鐵坯之手其底心之識銘書記獨歸落款

之工花鳥禽魚寫生以肖物爲上宣成嘉萬

倣古以多見方精此青花之異於五采也

十二琢器之式有方圓稜角之殊製畫之方別采繪鏤

雕之異仿舊須宗其典雅華新務審其淵源器自陶成

矩規悉遵古製花同錦簇采色騰上春臺觀哥汝定均

坏汚之儀則非遠水火木金土洪鈞之調劑維神或相

物以賦形亦範質而施采功必藉夫埏埴出自林泉制

不越夫樽壺重均彝鼎鑑煙煥色雖瓦缶亦參繫命之

權彩筆生花卽窰

養可驗文明之象

十三圓琢各器凡青花與觀哥汝等均須上釉人密上

袖之法古制將球器之方長稜角者用毛筆搨袖弊每

失於不勻至大小圓器及泝圓之球器俱在在內蘸袖

其弊又失於體重多破故全器最爲難得今圓器之小

者仍於缸內蘸袖其球器與圓器大件俱用吹袖法以

徑寸竹筒截長七寸頭蒙細紗蘸袖以吹俱視坯之大

小與袖之等類別其吹之徧數有自三

四徧至十七八徧者此吹袖所由分也

十四圓器尺寸既定於模而光平必需於鐵故復有鐵

坯之作作內設有鐵坯之車形與拉坯車相等惟中心

立一木格格視坯爲粗細其頂渾圓包以絲綿恐損其

裏也將坯扣合格上撥輪轉旋用刀鏟削則器之裏外

皆得光平其式款粗細關乎鑰手之高下故鑰匠為緊要之工至宅是一行因拉坯之時下足留一泥靶長二三寸便於把器以書其寫款吹

畫工竣始鑄去其柄突高寬皆次許深長倍之上單十五密製長圓形如覆雲突圍高二丈餘在後密棚

以大瓦屋各為密棚其煙突圍高二丈餘在後密棚之外密製分既成鑄以匣鉢送至密戶家入密時以匣鉢

中後之罩分前行火烈中火緩後火微凡安火路其密火有前之懷硬以配台密位松柴還器滿足始為發火隨將密門

磚砌止留一方孔將松柴還器滿足始為發火隨將密門密內匣鉢作銀紅色時止火密一片刻不停候

十六密器之成密火是賴計入密至出密始開以三日為率至第四日清晨開密其密中套裝密器之匣鉢尚帶

紫紅色人不能近惟開密之匠用布十數層製成手套灌以冷水護手復用溼布包裹頭面肩背方能入密搬

取瓷就熱密器既出乘熱密以安放新坯因新坯潮溼就熱密器既出乘熱密以安放新坯因新坯

習繪事高手將各鍾顏料研細調合以白瓷片畫染燒試必熟諳顏料火候之性始可由粗及細熟中生巧總以眼明心細手準為佳所用顏料與法瑯色同其調色之法有三一用芸香油一用膠水一用清水蓋油色便於渲染膠水所調便於搗抹而清水之色則便於堆填

也畫時有就桌者有手持者亦有眠側於  
低處者各因器之大小以就運筆之便  
十以八白胎瓷器於密內燒成始施采畫後復須燒  
煉所以固顏色爰有明暗鑪之設小件則用明鑪類法  
瑯所用口門向外週圍炭火器置鐵輪其下託以鐵叉  
將瓷器送入鑪中傍以鐵鉤撥輪令其轉旋以勻火氣  
以畫料光亮為度大件則用暗鑪鑪高三尺徑二尺六  
七寸週圍夾層以避火氣鑪頂蓋板留風眼將瓷器貼於鑪腔  
人執圓板以避火氣鑪頂蓋板留風眼將瓷器貼於鑪腔  
一晝夜為度凡燒黃綠紫等器法亦相同  
十九瓷器出窑每分類揀選以別上中下色  
等名次定價值高下所有三色腳貨即在本坡貨賣其  
上匠以專其事至二色之器每十件為一筒用紙包裝  
桶裝桶以便遠載其各省行用之粗窰則不用紙包裝  
紫裝桶以專其事至二色之器每十件為一筒用紙包裝  
桶止用菱草包紮或三四十件為一仔字號橫於  
外或五六十件為一仔菱草直縛於內竹篾橫於  
二十水陸搬移便易結實其匠眾多以菱草為名曰  
中央一景德一鎮僻處浮梁邑境週袤十餘里山環水繞  
煙火相望工匠人夫不下數十餘萬靡不藉資生富  
火得失皆向禱祀有神童姓為本地密民前明製造龍  
缸連歲弗成中使嚴督密民苦累神羅身密突中捐生  
而缸成同事者憐而奇之於廠署內建祠祀焉號曰風

火仙迄今屢著靈異密民奉祀維謹酬獻  
無虛日甚至俳優奏技數部簇於一場

江西通志卷九十三

江西通志卷九十四

經政略十二

卹政

乾隆三年定江西孤貧口糧每名歲給銀一兩八錢日食不足請照安徽例每名日給銀一分歲共給銀三兩六錢於乾隆四年爲始除原額外新增銀在起運項下動支遇閏加增小建扣除七年定江西南昌等十一縣原額孤貧一千八百八十七名應裁一百七名奉新等二十縣應加一百七名所裁口糧歸入起運解司所加口糧卽於地丁動支若瑩獨尙多仍準額外收養隨時損益

會典事例

十三年定江西省城育嬰堂每年於耗羨內給銀四百



八兩新建縣普濟堂每年於耗羨內給銀九百八十七

兩有奇

會典事例

江西額設孤貧糧布銀一萬三千七百八兩八錢

司冊謹

案乾隆三年後各州縣迭次增設額外孤貧所給糧布銀不由起運項下動支案牘既繁開有闕失茲不具列

南昌府額設孤貧六百名糧布銀二千一百六十兩南  
昌縣孤貧二百十名糧布銀七百五十六兩遇閏加銀  
六十三兩新建縣孤貧一百三十名糧布銀四百六十  
八兩遇閏加銀三十九兩豐城縣孤貧四十五名糧布  
銀一百六十二兩遇閏加銀十三兩五錢進賢縣孤貧  
五十五名糧布銀一百九十八兩遇閏加銀十六兩五  
錢奉新縣孤貧三十七名糧布銀一百三十三兩二錢  
遇閏加銀十一兩一錢靖安縣孤貧二十四名糧布銀

八十六兩四錢遇閏加銀七兩二錢武甯縣孤貧五十  
五名糧布銀一百九十八兩遇閏加銀十六兩五錢義  
甯州孤貧四十四名糧布銀一百五十八兩四錢遇閏  
加銀十三兩二錢

案

南昌縣養濟院南宋時在隆興府城東崇和門內江南

西路轉運使錢佃創建

朱子記江南西路轉運司養濟院在隆興府城東崇和門內轉

運副使吳郡錢公某之所爲而判官嘉禾郎公某毘陵  
尤公裘之所徙也豫章爲江西一都會地大物眾而四  
方賓旅之有事於其上者又不絕於道路平時通功易  
事足以相生養獨不幸一旦有疾或則惇然無所歸求  
藥與食或無得焉則轉死於溝壑者歲不知幾何人而  
有司者莫之知也乾道九年轉運副使吳興芮公煜始  
有聞而閱焉去之日留私錢百萬以護後人稱貸貿易  
收其贏以市藥物給病者治熙五年判官開封趙公某  
復以私錢百四十萬買田東關羅舍病者又得以食七  
年錢公賁來而芮公已爲吏部侍郎是年春趙公亦以  
吏部侍郎召趙公知公雅意亦有樂乎此也因亟以書  
來訟公則移書芮公請所留錢益以己資百三十萬買

田長定而又創爲此院延慶崇和兩門之外使病者有以居焉自經始至落成若干日而就凡爲門五開堂三間腋以便房中爲丈室東庖西園左右廡各五開廡深三尋脩七尋有半中設巨榻十有八冬加障蔽以禦風寒暑則撤之以泄煩鬱診治有工藥石有劑其不可療者亦予櫬積以葬職掌之人皆賦以祿俾供厥事又專屬僚吏以時行視而課督之蓋三公所捐皆四方之聘幣不以入於家者合之爲錢三百七十萬所買三壁爲田千有一百一畝歲入租爲穀九百八十二斛有奇其詳則書之牘藏之有司而院之戒令糾禁亦書而揭之堂上既錢公又列其事以聞詔下施行如章而錢公去矣二公踵至周視錢公之所爲者而屢歎之然猶以院在門闕之外懼夫病者之有所不便醫藥也乃相門內得故歸德佛舍之廢甃而遷焉凡增屋十有八間并得故僧田六頃又市鍾陵灌城兩壁之山七十畝歲收穀三百餘斛錢五萬有奇以充入之蓋自是以來病而無歸者多賴以全活不幸死者亦瞑目而無所憾焉於是臺之羣屬與郡吏之奔走焉者私相與謀因文學掾黃君某述其事來請文以記予時方罷浙東常平事三復其書而竊有愧焉蓋崇甯之制凡安濟坊漏澤園之政皆領屬常平使者其有曠闕非將濟主司者之憂也今職其事者或不能及而五君子者乃能汲汲乎其職之所不必爲至出義錢以輯成之雖其先後來去之不一齊而其閔惻之深計慮之遠汲汲然其心而

丁白爲之其制愈修而愈密其惠益增而益厚於以推  
廣聖朝昭天漏泉之澤於湖山數千百里之外其意  
甚美矣而其學道愛人之效又足以警大職其事而  
能然者以興起之其利豈不又甚博哉因不復辭而  
書其本末如此既以著夫五君子之成緒而自訟以  
當世又以成此者之不易而不敢壞也錢公又嘗奏  
聞所以成此者之不易而不敢壞也錢公又嘗奏免  
吉縣租二千四百五十九斛爲錢十有一百九十七  
九十有奇兩州之人尤歌舞之今以祕閣修  
撰知婺州事其教饑之改亦爲諸郡最云  
今在進賢

門外塔下寺後同治十一年修志

普濟堂在進賢門外歐家井雍正三年建

府志記昔者聖王

之仁天下也在上有懷保惠鮮之政而在下亦有任  
之仁孔子曰大道之行也天下爲公老有所終幼有所  
長而矜寡孤獨廢疾者有養也蓋聖人不虐無告不侮  
鰥寡之一心充之於天下自六卿司牧下逮海隅蒼生  
皆能流通俟應而無閒其良法美意之所垂設誠而致  
行歷久而無倦其效至於無一夫之不被其澤何其盛  
與二帝三王之治其見於簡冊之所稱述者如此國  
家深仁如天厚澤如地沒溺衍溢薄海內外罔有不  
有普濟堂之設幾旬以來德洋恩普尤多異數而京師舊

欽賜碑額相率鼓舞飲助為此鰥孤老癯皆得安處

上卽位之二年資賜有加更

諭所在督

撫轉敕有司廣為風勸令循例舉行如京畿此

聖天子普惠困窮與天下樂善之盛心也於是

詔令所下時江右則省治為首倡購民之廢地於進賢

門外橫以弓計者四十有六縱減九之一併為廣廈開

闔牆垣既高既固門之進為內門旁為庖舍又進為堂

堂之進為閣以祀漢壽亭侯像閣後室東西環列綿綿

翼翼總室之屋大小以間計者百四十有五可容人若

干炊饌浴廁有舍井汲池圃有所日給米薪蔬鹽油食

具月有肉歲有衣疾有藥歿有棺葬埋有地歲贍之田

以畝計者若干餘給於司帑更選良醫居之俛以糜食

而爰幹員董其事其至如歸其安若山老羸之民得去

其創殘疾苦飲和食德而祝聖壽於無疆也數

年於此矣蓋於人無告之苦獨異於齊民

病瘵引養之心倍切於萬姓州里都邑好行其德之美

亦以體國家惠鮮懷保之意而長斯民仁厚之風是

豈不在於上之風論也哉今斯堂也始其事者既已著

奉行之效繼其後者尤宜勤勿壞之思則所以宣

上德意者永永無極和氣應而嘉祉集百物咸若太

平之福流行無窮不在此是與是役也經始於雍正三

某月某日而以某月落成白金之費以兩計者總六千

三百有奇捐金白前中丞裴公而暨各有差時余督糧

江右莅任之初堂已告成歲戊申復奉

命旬宣

茲土庶務相定尤勤期舉夫紀前人之成  
績爲將來法守者予之事也故復志之  
凡屋一百四

十二間額養老民二百名乾隆二十九年於街西增建

新堂凡屋五十間增額百名三十四年復增額百名道

光中又增三十名給經費銀九百八十七兩乾隆中建

新堂益以鹽法道庫經費四百兩後復以育嬰餘銀益

之道光十九年巡撫錢寶琛重定章程現在歲由藩庫

給銀一千四百兩支贍田租歲八百石不敷則支節備

倉穀以資接濟初至堂者冬則人給襖袴以二人合給

一被歷三年加給一襖歷五年加給一袴歷六年加給

半被凡歲給衣被以墨標識其上使不得典質爲嘉慶

間巡撫阮元舊定例  
育嬰堂在進賢門外康熙十九年巡撫安世鼎創建乾

隆二十八年巡撫明德增建道光三年知府賀長齡捐

修府志

育嬰公局在筷子巷南海棠廟街北爲舊硝局廢址同

治十三年巡撫劉坤一創建前爲大門中爲堂左爲庖  
廚外爲廁踰右偏列室三楹堂之後爲巷循巷右行爲  
乳婦所分三列凡室二十有四巷左屋五楹爲司事居  
地陞左袤二十三丈五尺右袤二十五丈廣二十五丈  
二尺櫛案 謹案南昌府志育嬰分局之設自同治二  
年巡撫沈葆楨捐廉勸諭郡紳復諭城廂內外鋪  
戶爲六文願收育嬰孩七年巡撫劉坤一籌銀提給銀  
一萬兩發典商生息定章收養嬰孩以二百名爲率經  
費稍裕再爲推廣又設牛痘局於昭忠祠以口數日  
增儼居不足郡紳胡壽椿劉于濤等始請度地以建公  
局額設乳婦八名同治十一年布政使劉秉璋籌捐銀  
費銀八千兩仍發典商生息十三年前後續捐銀五  
千一百三十三兩有奇以爲建局之費又籌銀八千兩  
仍發典商生息增設乳婦十六名光緒三年巡撫劉秉  
璋續籌經費銀一萬兩仍發典商生息舊定撫嬰一年  
期滿給賞乳婦每名錢一千二百文續增賞錢二千四  
百文累若不止  
至是始垂永久

候審公所在按察使署後牆光緒三年建巡撫劉秉璋

二年十一月二十日刑部議覆貴州巡撫黎培敬奏捐

廉設立軍民待質公所章程一摺請旨飭下各直

省督撫各就地方察看情形可否仿照籌辦奉旨查

依議欽此仰見聖主慎重庶獄矜恤無辜至意查

各屬詞訟牽連人證在處難免且恐有凌虐需索之弊

現經嚴定月報章程勒催趕辦分別功過認真考核向

來京控上控之案行提人證到省皆歸南昌府臬局審

理原被詞訟發南不致無故稽延然情節重大者一案

審各員依限速結不行無故稽延然情節重大者一案

人證動輒多人即使行文酌量摘提問官依限訊結往

返需時已滋拖累設遇原被皮執人證不齊累月經年

竊留候質夏則萬疫堪虞冬則飢寒交迫牽累無辜情

實可憫臣與藩臬兩司察度情形應飭照辦得房屋一

程在省垣設一候審公所現於臬司後牆購得房屋一

所約計可容七八十人編列字號派廉幹委員駐所督

丁看管凡提省發審案證解到先由臬局查閱室中大

概分別重輕除情重應行管押情輕自願取保外其非

身犯罪展因人指證牽連或雖係被管仍有可與與應

保而人地生疏者均交公所暫時收管仍不准擅自出

入以杜勾串每有日給米一升鹽菜錢十文有親屬顧

送者仍聽其便遇有疾病隨時驗明延醫調治夏給席

扇冬給炭其嚴定限期督率承審各員遇案速結應

開釋人證責令駐所委員立時開釋以杜需索留難諸弊



體仁局在德勝門內光緒四年布政使李文敏創設案

謹案光緒四年南昌新建兩縣會議章程掩埋路斃及秋決人犯凡棺一具以錢一千六百文為率殮屍者錢四百昇棺者錢三百荒冢暴露零斃殘骸用木匣隨其大小以計厥值布政使李文敏是其議籌銀三千兩發典生息設體仁局委員主其事

廣孝阡在進賢門外百福寺東北

府志

漏澤園四一在進賢門外壩口沙陂一在順化門外古

城腳一在劉家洲一在草洲

府志

新建縣普濟堂在進賢門外雍正二年建

府志

育嬰堂在德勝門外

府志

漏澤園二一在德勝門外乾隆五十二年巡撫何裕城

捐置一在西塘頭墳

府志

豐城縣養濟院在廣惠倉右

府志

育嬰堂在萬壽宮右舊在西門外康熙十一年邑紳捐

建尋廢咸豐九年知縣哈爾噶尙阿重建

府志

義冢二一在小北門外蓮花湖一在鎮北廟旁

府志

漏澤園三一在縣北金雞洲對岸一在大東門外羊墳

口西一在小東門外大路楊姓村旁

府志

進賢縣養濟院舊在縣治西北烏石山後遷鄭家塘明

末燬

國朝康熙中知縣聶當世重建咸豐七年燬十一年知縣

星聯捐建

府志

育嬰堂二一在狀元坊左道光二年邑紳捐建一在少

府橋西馬家巷

府志

漏澤園三一在南門外山川壇東一在蛟坑一在北門

烏石山

府志

奉新縣養濟院在北門外

府志

普濟堂在西關外

府志

育嬰堂在東門內河湖井

府志

漏澤園二一在北門外龜山一在東門外倉前洲

府志

靖安縣養濟院在錦橋側道光二十二年知縣佛爾國

春重修

府志

育嬰堂在縣北書院側乾隆十四年典史崔宏道勸民

毋溺女報育女者給錢米衣裙全活甚眾遂謀諸邑紳

捐資創建今廢

府志

漏澤園十五一在錢岡坳一在縣前文筆峯一在登高

山一在兔子壠一在南門外一在洪波堰一在小惠壠

一在曾坊山一在黃土礪一在櫪下壠一在筆管壠一  
在新官山一在打石壠頭一在塘子裏一在顧山甘家

園

府志

武甯縣養濟院在北門外雍正中建

府志

普濟堂在縣治東乾隆二十九年知縣萬友正建

府志

育嬰堂在縣治東乾隆二十九年建嘉慶十七年知縣

陳瑞球修

府志

樂善堂在土地巷口同治九年知縣何慶朝率邑紳捐

建

府志

漏澤園四一在校場右一在其左一在龍潭石一在竺

家嶺

府志

義甯州養濟院在延安寺左

府志

普濟堂在老道前雍正十年知州張耀增建府志

育嬰堂二一在老道前雍正十年建一在紫花墩道光

二十一年紳民捐建府志

漏澤園二一在鳳凰山西北一在金華山左岬府志謹案州

志州人捐置義地在二園外者凡二十有三茲不具載

瑞州府額設孤貧二百十八名糧布銀七百八十四兩

八錢高安縣孤貧一百二十名糧布銀四百三十二兩

遇閏加銀三十六兩上高縣孤貧四十三名糧布銀一

百五十四兩八錢遇閏加銀十二兩九錢新昌縣孤貧

五十五名糧布銀一百九十八兩遇閏加銀一十六兩

五錢案

高安縣養濟院在府治西宋為恩養院慈幼院並主僧

城望仙門外元末燬明洪武五年知府段德遷今所築

禎閒知府陶履中修

府志

漏澤園在太平門外一里宋崇甯開設久廢

府志

桑棗園明洪武二十七年命州縣督民建設植桑棗以衣食每都一所計五十所後廢

國朝康熙閒知府趙世錫教民復植利賴至今

府志

上高縣養濟院在河南岸宋在勝果寺前明初遷多寶寺左正統閒遷荆藍湖畔嘉靖二十九年遷預備倉前

國朝乾隆八年火知縣宋達捐修

府志

漏澤園在縣北二里宋縣令江湘置

府志

桑棗園四十九所

府志

新昌縣養濟院在古東來第一門外宋名居養院尋改

安養元末廢明洪武初復立嘉靖九年知縣俞宗梁於

左廢倉地增修屋十四間

府志

育嬰堂在常平倉側康熙五十七年知縣施士岡建

府志

漏澤園一在縣東五里一在縣西五里宋寶慶間縣令

趙給立久廢明嘉靖間知縣俞宗梁勘復

府志

袁州府額設孤貧五十二名糧布銀一百八十七兩二

錢宜春縣孤貧一十名糧布銀三十六兩遇閏加銀三

兩分宜縣孤貧一十名糧布銀三十六兩遇閏加銀三

兩萍鄉縣孤貧一十二名糧布銀四十三兩二錢遇閏

加銀三兩六錢萬載縣孤貧二十名糧布銀七十二兩

遇閏加銀六兩

府志

宜春縣養濟院在袁山門外上水關

府志

普濟堂在袁山門外下水關明洪武五年知縣孫仕敏立明末燬

國朝康熙五年知府李芳春知縣鄭宰重建咸豐閒燬同

治十二年知府黃恩浩知縣王希孟重建

府志

育嬰堂在迎曦樓左

府志

漏澤園二一在泉水嶺一在戚家嶺

府志

分宜縣養濟院在西城外明洪武五年知縣張仁建

府志

育嬰堂在縣倉左宋淳熙七年刺史周必達建

縣志

漏澤園三一在官塘西宋縣令鄧友龍立一在水南芒

陂上一在水南西上真觀

府志

萍鄉縣養濟院舊在城隍廟側明萬厯閒知縣陸世勛

移建東門外



國朝乾隆閒知縣王鑒胥繩武相繼修府志

育嬰堂一在縣城五鳳山下雍正六年知縣劉煊建一

在署北嘉慶元年建府志

漏澤園三一在城南一在城北一在城西明宏治閒知

縣朱華增置府志

萬載縣養濟院在東關外明洪武三年縣丞馮原禮立

國初移建社稷壇左乾隆五十九年知縣蔡鉅蘭復徙小

北門外五里亭黃竹嶺府志

普濟堂在署後偏右乾隆十九年知縣朱崧捐建府志

育嬰堂在西門外錦衣坊即養濟院舊址合邑捐建兼

置田產咸豐九年增置屋宇土田府志

漏澤園三一在赤硃岡一在東郊一在北郊明宏治閒

知縣張文慶置府志

臨江府額設孤貧一百二十四名糧布銀四百四十六兩四錢清江縣孤貧六十名糧布銀二百一十六兩遇閏加銀一十八兩新淦縣孤貧三十名糧布銀一百八兩遇閏加銀九兩新喻縣孤貧一十四名糧布銀五十一兩四錢遇閏加銀四兩二錢峽江縣孤貧二十名糧布銀七十二兩遇閏加銀六兩

案稿

清江縣養濟院舊在蕭灘驛左後移城東咸豐七年燬

同治八年重建

縣志

普濟堂在郡治後乾隆三十五年知縣李昌昱建

縣志

育嬰堂在南門乾隆二十五年知府婁廷彥重葺尋廢

縣志

漏澤園六南薰門外二廣濟門外二西成門外一朝天

門外一縣志

新淦縣養濟院在治南一里許明建

國朝同治八年知縣王肇賜捐修縣志

漏澤園舊在城南雷塘院縣志

竹坑義冢順治間知縣吳來儀置縣志

新喻縣養濟院宋元符二年置在地藏院後

國朝康熙十年知縣符執桓移建西關外縣志

育嬰堂在新漕倉後雍正十年知縣景四維建縣志

漏澤園在北門外宋崇甯三年奉詔置縣志

峽江縣養濟院舊在古巴邱申明亭今在萬壽寺左縣志

育嬰堂在橫街漕倉左縣志

漏澤園在城西縣丞羅達卿立石

縣志

惠冥園卽巴邱義冢在萬壽寺右

縣志

吉安府額設孤貧九百十八名糧布銀三千三百四兩  
八錢廬陵縣孤貧二百九十名糧布銀一千四十四兩  
遇閏加銀八十七兩泰和縣孤貧七十四名糧布銀二  
百六十六兩四錢遇閏加銀二十二兩二錢吉水縣孤  
貧一百名糧布銀三百六十兩遇閏加銀三十兩永豐  
縣孤貧七十二名糧布銀二百五十九兩二錢遇閏加  
銀二十一兩六錢安福縣孤貧一百一十名糧布銀三  
百九十六兩遇閏加銀三十三兩龍泉縣孤貧三十名  
糧布銀一百八兩遇閏加銀九兩萬安縣孤貧七十二  
名糧布銀二百五十九兩二錢遇閏加銀二十一兩六

錢永新縣孤貧一百四十名糧布銀五百四兩遇閏加銀四十二兩永甯縣孤貧一十名糧布銀三十六兩遇閏加銀三兩蓮花廳孤貧二十名糧布銀七十二兩遇閏加銀六兩

棉案

廬陵縣養濟院在西原山城隍岡上咸豐六年燬九年

知縣姚體備捐修

府志

普濟堂在西關外郭牌巷久廢乾隆三十五年巡撫海

明檄知府李源修

府志

育嬰堂舊在西關外府城隍廟東側雍正間建乾隆二

十二年知府王銘琮徙城內試院西北隅

府志

漏澤園二一在牌下甯國寺背一在甘泉門嶺上

府志

泰和縣養濟院在治北宋崇甯閒置舊名居養院明初

改今名

國朝康熙三十六年知縣田惟冀修道光四年邑紳重修

府志

普濟堂在治西乾隆元年知縣王猷建道光三年邑紳

孫發秀增建同治元年知縣張榮重修

府志

育嬰堂在治西乾隆元年知縣王猷建

府志

漏澤園五一在東園一在徐將軍廟後一在江邊龍門

院前一在荻塘一在縣前大江南五里

縣志

古水縣養濟院舊在縣西坊明嘉靖閒改設文江門外

久圯

國朝康熙五年重建於儒學後尋徙城西北隅乾隆二年

知縣朱宣建於文江門外

府志

永豐縣養濟院在西坊馬巷內宋建

國朝順治間知縣儲曾修咸豐七年燬同治初邑紳重建

府志

育嬰堂嘉慶二十二年知縣牛廷炤倡建府志

漏澤園二一在二十三都一在黃竹溪府志

安福縣養濟院在東門外知縣閔世翔重修府志

普濟院在城北演武場右府志

育嬰堂在治南四面坊前府志

漏澤園二一在復古書院前宋縣佐趙師日捐置一在

圓照庵右府志

龍泉縣養濟院在北門外明洪武八年知縣陸宏政創

建

國朝康熙四十二年知縣趙世麟遷便民倉前乾隆十九

年知縣楊焯遷棲靈居下

府志

育嬰堂在東門外乾隆十二年邑紳張公颺捐建

府志

救嬰堂在縣西城外龍王廟右道光三年知縣文海建

府志

漏澤園舊在縣西北宋崇甯三年置久廢義冢五一在

水南四廂洲上一在雲崖一在義嶺一在牛坑社背窩

一在赤田石

府志

萬安縣養濟院在縣塏上明永樂間知縣符濟建

國朝康熙九年知縣胡樞增建

府志

漏澤園三皆宋建久廢今六一在南門一在阜口一在

土橋頭一在良口一在夏富一在大王廟下

府志



永新縣養濟院在北門外明宏治間建

國朝道光六年圯八年邑紳尹是恭捐建縣志

漏澤園在城北後嶺宋邑人譚學先創築縣志

永甯縣養濟院在縣北門外府志

普濟堂在縣北門外府志

育嬰堂在縣北門外府志

漏澤園二一在禾樹山一在上雅岡府志

撫州府額設孤貧四百二名糧布銀一千四百四十七兩二錢臨川縣孤貧一百七十名糧布銀六百一十二兩遇閏加銀五十一兩崇仁縣孤貧五十名糧布銀一百八十兩遇閏加銀一十五兩金谿縣孤貧六十二名糧布銀二百二十三兩二錢遇閏加銀一十八兩六錢

宜黃縣孤貧四十名糧布銀一百四十四兩遇閏加銀一十二兩樂安縣孤貧三十五名糧布銀一百二十六兩遇閏加銀一十兩五錢東鄉縣孤貧四十五名糧布銀一百六十二兩遇閏加銀一十三兩五錢

案

臨川縣普濟堂在廣壽寺西

府志

育嬰堂在文昌門外橋北

府志

漏澤園在廣壽寺

府志

崇仁縣養濟院在朝天門內乾隆閒知縣曹蘊重建

府志

育嬰堂在民城何家巷道光元年知縣原步顏建成豐

閒燬同治四年重建

府志

漏澤園舊在官城北門外嘉慶三年移民城大南門外

南阜山

府志

金谿縣養濟院在拱辰門外縣志

育嬰堂在城隍廟西又一在東路四十六都上灣邨一

在西路十三都山東何姓邨縣志

漏澤園在校場左縣志

宜黃縣養濟院在邑北龍泉嶺縣志

普濟堂在東城外縣志

育嬰堂一在器械山下一在卷雪石橋縣志

樂安縣養濟院舊在金鼈橋南咸豐六年燬同治八年

移建西門縣志

育嬰堂舊在小南門外道光三年移建縣西周家巷縣志

漏澤園在北城外縣志

東鄉縣養濟院在迎恩橋外縣志

育嬰堂在文昌門左今廢

縣志

建昌府額設孤貧二百八十五名糧布銀一千二十六兩南城縣孤貧二百名糧布銀七百二十兩遇閏加銀六十兩南豐縣孤貧三十名糧布銀一百八兩遇閏加銀九兩新城縣孤貧三十名糧布銀一百八兩遇閏加銀九兩廣昌縣孤貧一十五名糧布銀五十四兩遇閏加銀四兩五錢瀘溪縣孤貧一十名糧布銀三十六兩遇閏加銀三兩

縣志

南城縣養濟院在南關古老巷

府志

育嬰堂在縣城隍廟左

府志

育嬰義倉在府學左忠烈祠右同治元年知府黃鳴珂

建

府志

漏澤園二十三府志

南豐縣養濟院在北門外清修觀前咸豐六年燬府志

育嬰堂舊在城內上街後移建南門城下府志

漏澤園九府志

新城縣養濟院在小北門內府志

普濟堂在大北門外雍正十二年知縣邵鴻元建府志

育嬰堂舊在北門外今移南津府志

漏澤園一一在金斗窠一在湖家坑長排府志

廣昌縣養濟院在大覺寺前府志

育嬰堂在東關外吳家嶺府志

漏澤園四一在傀儡嶧一在饅頭嶧一在黃司空廟左

一在郭家巷府志

瀘溪縣養濟院在北關外司前志府

育嬰堂在縣南節孝祠後乾隆十二年邑紳石迴瀾等

創建志府

漏澤園在北關外聖公嶺志府

廣信府額設孤貧二百六十名糧布銀九百三十六兩  
上饒縣孤貧三十四名糧布銀一百二十二兩四錢遇  
閏加銀十兩二錢玉山縣孤貧一十名糧布銀三十六  
兩遇閏加銀三兩弋陽縣孤貧四十八名糧布銀一百  
七十二兩八錢遇閏加銀一十四兩四錢貴溪縣孤貧  
一百名糧布銀三百六十兩遇閏加銀三十兩鉛山縣  
孤貧四十七名糧布銀一百六十九兩二錢遇閏加銀  
一十四兩一錢廣豐縣孤貧一十名糧布銀三十六兩

遇閏加銀三兩興安縣孤貧一十一名糧布銀三十九

兩六錢遇閏加銀三兩三錢

案稿

上饒縣養濟院在縣署後東北

府志

普濟堂在府署北小校場西頭乾隆三十五年奏設

府志

育嬰堂舊在西門外官埠頭道光元年知府何貞改建

於府署後咸豐開燬同治三年知府鍾世楨在府署東

偏改立救嬰局

府志

潯澤園三一在治西二里一在治東廊門一在北門外

府志

縣志

玉山縣養濟院在東門外

府志

育嬰堂在城內蔡家園道光開改建采粟門咸豐開燬

同治三年知縣章澂即文昌宮改設保嬰局

府志

漏澤園三一在中關一在義龍岡一在下鵝亭地府志

弋陽縣養濟院在北門外府志

育嬰堂在城北萬壽庵府志

漏澤園六一在黃家嶺一在馬家山一在南城洲一在

古城外一在永年鄉一在玉亭鄉府志

貴溪縣養濟院舊在北門關嶺上今建西門外府志

育嬰堂舊在北門內西倉後移大南門舊驛西府志

漏澤園在後河沙洲縣志

鉛山縣養濟院在縣署東南府志

育嬰堂在水西門分局四府志

漏澤園五一在小市里明費案記義冢者何所以聽窮人之死而無歸者之葬於此也

予鉛舊有漏澤園在東關歲久湮沒莫可迹矣嘉靖癸未前令朱君雲溪乃創義冢於北關之鮑家山戊戌冬



予人以觀取道過家見其地白骨累累散滿林谷問之曰此葬地已盡焚之火而有是遺骸也為之惻然思售地以擴之歸而謀諸子懋學懋應聲曰大人舊有山墳七十二畝在城南名小市里者最便遂聞之新令朱倅松岡侯曰此某之所欲闢而不可得者即闢之郡守南濱趙公慨然慨然慨然慨然慨然慨然慨然慨然慨然劉瑄正經界定方向計徒庸闢土以繚之溝樹以封之立石以表之綽楔以門之男冢自左而右女冢自右而左周一列而復窆俾土不壙也各立標紀墓俾後不忘也復下令曰凡居民之貧而死者葬於斯行旅之死而無歸者葬於斯俾得與俾有節制也已乃大書其坊曰鉛城義冢走使徵予識之予曰葬者藏也上古以藉有虞氏以瓦夏以壘商周人以木未有死而不歸之土者也火葬之俗始於釋氏燔人以肌膚銷人形為雖炮烙春判之慘莫是過矣於釋氏燔人肌膚銷人形為雖炮烙倫則則食寒則則寒矣人生而有父子兄弟夫婦朋友之甯忍其死而若是慘乎是故聖王之初已禁民火葬今上皇生送死為重務我聖祖問基之初已禁民火葬今上皇帝踐祚之六年又詔天下所司稽復漏澤園故基皆不忍人之政也為之下者忍不加之意邪今觀侯之是華可以追古禮之厚可以革餘苛之倫可以嗣前修之美可以遵王章恤下之仁可以全予桑梓之念一事而五善備焉欲不識可乎侯名選字士一在馬鵬一在荒唐矣蓋醇厚慎約君子人也為記

里一在鮑家山一在黃荆林皮襃畧一在河口鎮爲擴

義園

府志  
縣志

廣豐縣養濟院在南門內

府志

育嬰堂舊在東門內道光十六年改建城北廟門塘分

局六

府志

漏澤園在西城外

縣志

興安縣養濟院舊在城西藥師庵今在東關外

府志

育嬰堂二一在城西藥師庵一在葛源

府志

漏澤園五

縣志

饒州府額設孤貧二百四名糧布銀七百三十四兩四錢鄱陽縣孤貧二十九名糧布銀一百四兩四錢遇閏加銀八兩七錢餘干縣孤貧二十一名糧布銀七十五

兩六錢遇閏加銀六兩三錢樂平縣孤貧三十一名糧  
布銀一百一十一兩六錢遇閏加銀九兩三錢浮梁縣  
孤貧二十名糧布銀七十二兩遇閏加銀六兩德興縣  
孤貧四十一名糧布銀一百四十七兩六錢遇閏加銀  
一十二兩三錢安仁縣孤貧三十二名糧布銀一百一  
十五兩二錢遇閏加銀九兩六錢萬年縣孤貧三十名  
糧布銀一百八兩遇閏加銀九兩

案

鄱陽縣養濟院舊在持橐巷後移建朝天門外壕上

府志

普濟堂在城東隅下棚巷口咸豐三年燬同治十年重

建光緒四年大水牆屋傾圮知府恆裕率七邑重修

府志

案  
檔

育嬰堂初以北關外廢寺改建尋圯仍建於北關外咸

豐三年燬同治六年移建城內下棚巷口大街府志

漏澤園在芝山麓府志

餘干縣養濟院在東門外府志

漏澤園二一在華林岡一在小北門外府志

樂平縣養濟院在北關府志

育嬰堂在城隍廟西府志

漏澤園在北門外府志

浮梁縣養濟院在西門外府志

廣濟堂在景德鎮雍正中建謝閔記景德江右一巨鎮也隸於浮邑業陶制器利

用徧於天下四方遠近挾其技能以食力者趨走如鶩

顧有壯鷙其技而垂老無依者有偶嬰疾病力不能勝

危羸疲困流離失所者其地偏其人稠其商賈率皆僦

居逐末錙銖計較遇老病者不能執業輒屏棄之雖平

時曾資其力亦莫之或恤嗟此窮黎故土既已無歸異

鎮之人士所亟宜勸念者也今聖天子軫念民

艱普濟堂之設咸令構甯宇以處老病之顛連無告者

南昌省會已建有堂亦名普濟官置義田動支帑項凡

飲食臥具醫藥之需衣食指櫛之宜豫備者歲取其租

入以資養贍委員董治其事核實以報老者幾人病者

幾人月有稽歲有考米鹽瑣屑莫不登記以無俾虛冒

時其冷煖察其飢飽掃滌其穢汚堂內肅作之人日然

其勞勤以遂其餘生此南昌之所以為諸郡先也景德雖

聖恩以一隅東介新安南通閩浙江湖交匯吳楚往來帆

檣泊集人戶填溢實與省會埒浮令沈君仰體我

皇上發政施仁哀此羸獨至意創興是堂兼擇地設

肅澤園俾不幸湊逝者魂魄皆得所依不致鬱為瘴氣

蒸成疵癘甚盛舉也乃邑大夫倡之而鎮之人土復樂

助其成奉使節而駐於鎮以及賈於斯而商於外者咸

踴躍捐輸無稍倦從此老疾有養生死無憾耳不問愁

苦啁啾之聲目不覩罷瘵羸瘵之狀民氣和樂用臻仁

壽誠足襄聖世太平之治而大有造於鎮也因與

省之大吏共捐薄俸名其堂曰廣濟而記之以文其堂

內應行規則一循南昌普濟堂故事列其條榜於堂之

左尤願好義者之接踵樂輸多多益善使斯堂之永久

廢也

育嬰堂二一在縣署前西街一在景德鎮吳家牌樓府志

漏澤園舊在溪東雲峯寺側後移置溪東並社壇前馬

鞍山府志

德興縣養濟院舊在寶賢坊旋移北關外今在化龍門

外府志

育嬰堂在縣署右府志

漏澤園在文明門外府志

安仁縣養濟院在流沙港府志

漏澤園在黃岡府志

萬年縣養濟院在東門外府志

育嬰堂舊在城隍廟側後移建典史廨旁今在東門府志

漏澤園舊在西門外今移邑厲壇後府志

南康府額設孤貧一百四十五名糧布銀五百二十二兩星子縣孤貧一十二名糧布銀四十三兩二錢遇閏加銀三兩六錢都昌縣孤貧四十名糧布銀一百四十四兩遇閏加銀一十二兩建昌縣孤貧六十名糧布銀二百一十六兩遇閏加銀一十八兩安義縣孤貧三十三名糧布銀一百一十八兩八錢遇閏加銀九兩九錢

棉案

星子縣養濟院在府西舊在孝行坊側明成化間知府曹凱遷朱公坡宏治間遷今所

國朝咸豐三年燬同治八年修復

縣志

普濟堂在試院西南乾隆三十年建

縣志

崇善堂在城隍廟右舊名同善堂嘉慶二十二年建咸

豐三年燬同治元年重建易今名

縣志

都昌縣養濟院在治西南明洪武九年知縣梁松建

縣志

漏澤園二一在治東望湖嶺明萬厯閒知縣陳舜咨立

又一在南山

縣志

興仁園在北門外明嘉靖閒知縣吳英立

縣志

建昌縣養濟院舊在城東一里今改北門內

縣志

漏澤園在縣北門外

縣志

安義縣養濟院在城隍廟側久圯同治九年知縣杜林

重建

縣志

育嬰堂在近恩坊雍正十二年知縣宮大鵬建

縣志

漏澤園二一在操演山一在彭靈岡

縣志

九江府額設孤貧一百四十九名糧布銀五百三十六



兩四錢德化縣孤貧七十二名糧布銀二百五十九兩  
二錢遇閏加銀二十一兩六錢德安縣孤貧三十五名  
糧布銀一百二十六兩遇閏加銀一十兩五錢瑞昌縣  
孤貧二十名糧布銀七十二兩遇閏加銀六兩湖口縣  
孤貧一十二名糧布銀四十三兩二錢遇閏加銀三兩  
六錢彭澤縣孤貧一十名糧布銀三十六兩遇閏加銀

三兩

案

德化縣養濟院在東門內知縣張思恬建

府志

普濟堂在貢院側乾隆三十六年建

府志

育嬰堂在府治東街咸豐開燬同治三年重建

府志

體仁堂在龍池寺右同治二年重建

府志

救生局在姑塘天后宮左

府志

德安縣養濟院在義豐門外康熙六年知縣張倬重建

咸豐閒燬今改建東門城內

府志

普濟堂在縣前雍正十年知縣李宗瀚建

府志

育嬰堂在縣治後乾隆三十年知縣蘇壻建

府志

瑞昌縣養濟院舊在東山寺左康熙閒知縣金世福遷

建寺後

府志

普濟堂在養濟院左乾隆十八年知縣蔣有道建

府志

育嬰堂二一在治東北教諭署後一在武茭保同治四

年邑紳捐建

府志

湖口縣養濟院在迎春門外明建

府志

育嬰堂在寅賓門內

府志

彭澤縣養濟院舊在南嶺雍正十三年知縣李祖旦移

建北關外府志

育嬰堂在縣署後文昌閣左府志

南安府額設孤貧九十六名糧布銀三百四十五兩六錢大庾縣孤貧二十六名糧布銀九十三兩六錢遇閏加銀七兩八錢南康縣孤貧五十名糧布銀一百八十兩遇閏加銀一十五兩上猶縣孤貧一十名糧布銀三十六兩遇閏加銀三兩崇義縣孤貧一十名糧布銀三十六兩遇閏加銀三兩檣案

大庾縣養濟院二一在城東舊在河南都明宏治間遷舊縣基嘉靖中始徙今所一在水南城東南

國朝乾隆元年知府游紹安建府志

育嬰堂在孝友坊直街乾隆五十四年知縣李德樹勸

建久圯知府黃鳴珂修府志

漏澤園在治東麓宋淳熙九年知軍管銳建明正德十六年知府何文邦以城西社稷壇舊址益之府志

南康縣養濟院舊在城西明成化間知縣翁玉改建城北正德十五年兵備副使王度倡建

國朝康熙十九年署縣事理問所陸遇霖捐修道光間知縣王駒移建城內般若寺故址縣志

育嬰堂二舊在陽明書院西北隅康熙四十六年知縣申毓來建後知縣何溥移建北關外了山左側一在塘

江同治六年建縣志

漏澤園五府志

上猶縣養濟院舊在城西堡障門外河邊後圯雍正間

知縣李鴻翔改建校場東嘉慶閒知縣江岷重修縣志

普濟堂在堡障門外邑人鍾峨捐建縣志

育嬰堂在東門外陳嶺雍正閒知縣李鴻翔建縣志

漏澤園在城東門外猶口橋邊義冢六一在東山下一

在猶口橋西塍一在牛形嶺背一在珠嶺乾塘凹一在

珠嶺背矮嶺仔一在平富隘紫金寨縣志

崇義縣養濟院在北門外西隅咸豐六年燬同治三年

重修縣志

育嬰堂在旗陽書院東縣志

漏澤園在北門外縣志

贛州府額設孤貧三百十七名糧布銀一千一百四十

一兩二錢贛縣孤貧一百九十名糧布銀六百八十四

兩遇閏加銀五十七兩零都縣孤貧二十二名糧布銀  
七十九兩二錢遇閏加銀六兩六錢信豐縣孤貧一十  
名糧布銀三十六兩遇閏加銀三兩興國縣孤貧一十  
三名糧布銀四十六兩八錢遇閏加銀三兩九錢會昌  
縣孤貧一十名糧布銀三十六兩遇閏加銀三兩安遠  
縣孤貧一十二名糧布銀四十三兩二錢遇閏加銀三  
兩六錢龍南縣孤貧四十名糧布銀一百四十四兩遇  
閏加銀一十二兩長甯縣孤貧一十名糧布銀三十六  
兩遇閏加銀三兩定南廳孤貧一十名糧布銀三十六  
兩遇閏加銀三兩

檔案

贛縣養濟院舊在忠惠坊明宏治間知縣何文縉改建  
於東郊天竺山後徙城內廉泉亭左崇禎間知縣陳履

忠移於城東角東勝山後

府志

普濟堂在城東府倉前乾隆三十五年建

府志

育嬰堂二一在縣治東縣岡坡下順治三年副都御史

周清原奏建一在府前東街乾隆四十年知府吳山鳳

率邑紳捐建

府志

瀟澤園五一在東門外竹埽園一在南門外明都御史

王守仁檄知縣宋瑤置一在東溜巷一在苑田知府戴

記置一在城外東坊

府志

潤枯園五一在天花園一在上打鄉明泰昌元年都御

史錢桓置一在竹埽園一在桐梓園郡人戴學大捐置

一在駱駝嶺知府謝錫袞置

府志

義冢四一在蓮社庵北乾隆三十七年巡道中泰知府

吳山鳳捐建一在愛敬鄉山榜塘一在馬石山一在長

湖尾

府志

雩都縣養濟院舊在西門外明洪武初知縣宋宏建萬  
厯二十一年災知縣黃應元建崇禎末燬

國朝康熙三十二年知縣趙懷改建於東城外四十年知

縣盧振先復移於北郊

府志

育嬰堂在縣治東訓導署右乾隆間知縣安穎新移建  
於東門外嘉慶五年圯二十四年知縣張湄重建於北

門外

府志

信豐縣養濟院舊在寶塔寺左明正德間遷置禾豐門

外左隅嘉靖十五年知縣徐鑾修

府志

育嬰堂在清平門外雍正間建

府志



興國縣養濟院在南門外南社倉址明知縣賈思復建  
正德十三年知縣黃泗徙迎恩坊東萬厯四十七年署  
縣事訓導何其良修府志

育嬰堂舊在縣治東雍正七年知縣白成李建在東門  
內乾隆二十四年知縣鄧蔚林建尋改書院道光三年  
巡撫程含章檄各州縣設立育嬰堂邑紳江瀾就原址

捐建

府志

會昌縣養濟院舊在富尾翠竹祠側明洪武二年知縣  
周文秀建

國朝康熙十年知縣王凝命修乾隆十六年知縣戴體仁

修道光十一年知縣宋埏移建西門外懷仁關

府志

育嬰堂二一在縣治東雍正七年知縣白成李建同治

十年知縣劉長景修復一在高山腦下首乾隆閒知縣

詹兆駒建後廢存趾邑紳歐斯濟捐建

府志

安遠縣養濟院在西門外塔下明洪武初知縣李玉建

嘉靖三十年知縣吳卜相改建於新校場

國朝順治閒知縣倪衷復重修

府志

普濟堂二一在校場乾隆元年知縣戴彬暢建一在校

場東乾隆七年知縣吳昉增建

府志

漏澤園在古田坊宋建久廢義冢二一在黃泥嶺乾隆

十二年知縣劉彤置一在城內文昌宮前

府志

義冥園在古田坊大興寺左乾隆十五年知縣董正統

率邑紳唐光文等捐建

府志

龍南縣養濟院在縣西明洪武元年建嘉靖閒知縣施

廷美遷校場左隆慶五年知縣文程改建金鈎里府志

長甯縣養濟院在阜成門外邑厲壇前

府志

育嬰堂舊在阜成門內道光十九年知縣倪承璐改建

阜成門外

府志

義冢在阜成門外邑厲壇右雍正十二年知縣陶正士

置同治八年知縣沈鎔經增築

府志

定南廳養濟院在城北明知縣章榮改建於校場右

府志

育嬰堂在城隍廟側縣令吳邇立建

府志

甯都州額設孤貧三十八名糧布銀一百三十六兩八

錢甯都州孤貧一十八名糧布銀六十四兩八錢遇閏

加銀五兩四錢瑞金縣孤貧一十名糧布銀三十六兩

遇閏加銀三兩石城縣孤貧一十名糧布銀三十六兩

遇閏加銀三兩

案

甯都州養濟院在阜成門外明洪武中知縣莊濟翁建

國朝嘉慶七年知州黃永綸修

州志

普濟堂在西門外道光二年知州劉丙重修

州志

育嬰堂在州治頭門右久廢道光二年知州劉丙重建

州志

漏澤園在仙姑坑嘉慶間知州石讚韶建在各鄉者五

十餘所

州志

瑞金縣養濟院舊在城內明隆慶四年知縣呂若愚改

建西城外勝因寺右

國朝咸豐七年燬同治九年修復

縣志

育嬰堂在治右雍正間建久圯嘉慶二十一年知縣蔣

芳增建縣志

漏澤園在黃荆坳縣志

石城縣養濟院在西關外瑞昌橋左順治閒知縣董應

譽郭堯京建縣志

育嬰堂舊在瑞昌橋左康熙四十五年知縣陳嘉建道

光三年知縣朱一慊移建北關外興隆街縣志

漏澤園十一北關外一禮上里六龍上里三柏中里一

縣志

江西通志卷九十四